

◎ 钱穆作品系列

古史地理论丛

钱穆

钱穆作品系列

古史地理论丛

生活·读书·新知 三联书店



钱穆作品系列

古史地理论丛

目 录

序 / 1

古史地理论丛部甲

周初地理考 / 3

古三苗疆域考 / 83

《楚辞》地名考 / 113

古史地理论丛部乙

黄帝故事地望考 / 153

雷学淇《纪年义证》论夏邑郟鄏 / 160

西周戎祸考上 / 172

附：辨春秋前秦都邑

西周戎祸考下 / 179

附：西周对外大事略表

重答李峻之君对余《周初地理考》之驳难 / 190

- 再论《楚辞》地名答方君 / 200
- 秦三十六郡考 / 215
- 秦三十六郡考补 / 229
- 中国史上之南北强弱观 / 234
- 水利与水害 / 249
(上篇: 论北方黄河)
- 水利与水害 / 263
(下篇: 论南方江域)
- 跋康熙丙午刊本《方輿纪要》 / 276
- 《禹贡》山水杂说 / 284
- 苍梧九疑零陵地望考 / 293
- 说 邢 / 299
- 说滇与昆明 / 301
- 古豫章考 / 305
- 汉初侯邑分布 / 307
- 提议编纂古史地名索引 / 310

序

忆余在民国十一年之秋，任教于厦门集美学校，始读《船山遗书》于其辨屈原沉湘乃在汉水，不在洞庭，而深有契悟，乃草小文一篇刊载报端。越四五年，撰述《先秦诸子系年》详申其义。因念古代民族迁徙，以旧居之名名其新邑，此为古史每多异地同名最好一说明《先秦诸子系年》既成书，乃续为《周初地理考》《古三苗疆域考》诸篇，则已在民国二十年之后。而其时则国事日非，群言庞杂，意所欲陈，纷起叠乘，考治古史地名之业，遂弃置不复理。至民国二十八年秋，余自昆明返苏州，迎母奉养，杜门不出，写成《史记地名考》一书。是为余治古史地理最后一著作。上距讨论《楚辞》地名，则先后亦达十二年之久。此后再不复为。年逾八十，双目失明，不能见字，但念旧稿虽非时代所需，而要为治古史者一大纲目。余之所论，虽引端于船山，而凡所发现，则实为古今所未及，遽尔散弃，亦诚可惜。遂将旧存诸篇汇集

付印。亦有成稿后陆续增加材料多达数十节，嘱及门何君泽恒斟酌编入篇中，而余则已无可细为裁夺矣。有关此等材料，搜罗难尽，凡所论列，亦容有误，但得者最少当占十七八，失者最多不过十二三，则惟待后人续治此业者之再为订正矣。遥计初治此业，距今已逾六十年，此亦当时心力所注，抚卷岂胜怆然。

壬戌年春三月识于台北

士林外双溪之素书楼 钱穆

古史地理论丛部甲

周初地理考

分 目

一、总说

(一)周人起于晋,而旧误以为在秦,故言周初地理者纷歧无定说。

(二)古史地名皆由民族迁徙,递移递远,如山东、山西皆有历山,皆为舜迹,即其例。

二、姜氏篇

(三)炎帝烈山以声变转为厉山、界山,在山西介休,后误以为介推焚山事。

(四)神农后帝榆罔国榆次,属太原。

(五)伯夷即许由,其冢在箕山,属解州平陆。

(六)姜姓四岳其先皆在晋。

(七)古惟霍山称太岳,四岳之称起于周。

(八)姜嫄为有邰氏女,即台骀氏,其墓在闻喜。

三、后稷篇

(九)后稷产闻喜,始教穡在稷山。

(十)汉祠汾阴后土,其故事源于后稷。

(十一)古称大夏在河东,太原乃涑域,涑水亦称晋水。

(十二)禹事之附论。

(十三)禹会会稽,非浙江绍兴,以《吕览》九山九寨为说。

(十四)会稽本称茅山,在河东。古越地亦在河东,乃夏之声变。

(十五)舜陟方乃死,即丹朱封国房。葬苍梧在安邑。

(十六)禹会诸侯,与丹朱封国,舜死地,皆近。

(十七)鲧化羽渊,禹娶涂山,皆在河南,为夏故土。

(十八)禹治水功绩,其最先传说当在山西之蒲解。

(十九)稷教穡,禹治水,地望相毗,皆在河东洮域。

四、公刘篇

(二十)公刘居豳,为避夏桀,证其先在晋疆。

(二十一)不窋失官,自窜戎狄之间,仍在晋。

(二十二)夏桀时犬戎入居郃岐,岐为狐岐山,在汾域。

(二十三)《禹贡》治梁及岐,为吕梁、狐岐,证古称晋岐为岐山。

(二十四)狐岐由狐戎得名。

(二十五)豳字本作邠,因临汾水为邑而名,与郃鄠一例。

(二十六)春秋时周人自述先世西土所极，止于岐毕，不举豳，证豳在岐毕东。

(二十七)据《汉志》右扶风枸邑有豳乡，推证古邠邑近河东荀城。

(二十八)邠在河东临汾古水之滨，公亶父居之，称古公。

(二十九)古水东有梗阳城，为太姜邑。

(三十)《公刘诗》于胥斯原，于京斯依，为晋九原，一名九京，即古山，又称鼓堆。

(三十一)《诗》称笃公刘，与古公亶父同例，皆以邑名。笃董声转，推公刘先居董泽，在涑域。

(三十二)涑水经周阳邑，即不窋所奔，至公刘乃迁汾。

(三十三)《公刘诗》涉渭为乱，芮鞫之即，始为周人渡河而西之证，在公刘后。

(三十四)汉美阳得古鼎，张敞误说。

(三十五)《豳风·七月》乃晚起晋诗。

五、太王篇

(三十六)《诗·绵》民之初生，自土沮漆，在朝邑华阴之间。古公亶父，陶复陶穴；“古公亶父”四字衍。

(三十七)来朝走马，为朝邑之朝阪。

(三十八)《诗·皇矣》度其鲜原，居岐之阳，在咸阳北。

(三十九)成王岐阳之搜，即在鲜原、毕陌，为丰镐近

畿。

(四十)宣王猎漆沮，在朝邑华阴之间，不在扶风。

(四十一)岐周亦与鲜原、毕程同属一地。

(四十二)《禹贡》荆岐既旅，荆山在朝邑，岐山即峨山，在泾阳。

(四十三)平王封秦襄公为诸侯，赐之岐以西之地，岐即岐丰，太王所迁，非美阳岐邑。

(四十四)太王去邠，逾梁山，在韩城。

(四十五)西周周召采邑，皆在陕西凤翔府境，故周初地名多移殖于此。

六、王季篇

(四十六)《绵诗》混夷駉矣，即王季所伐西落鬼戎，为周人渡河后新敌。

(四十七)殷高宗伐鬼方，次于荆，乃陕西荆山，鬼方即鬼戎，在泾渭下流。

(四十八)槐里、犬丘、槐谷、鬼谷，皆以鬼戎得名。

(四十九)据大小孟鼎、梁伯戈推论鬼方居邑，辨王国维说。

(五十)王季伐燕京戎，即太王所避之狄，在太原汾水上流。

(五十一)犬戎即燕京戎，其族起于东，在汾域，而分殖于西，至渭域。

(五十二)古九夷有吠夷，亦称东夷，后人以为西羌，证古代戎患起于东北，不起于西土。

(五十三)古太原晋阳本称燕，为诸戎根据。

(五十四)王季伐余无、始呼、翳徒诸戎皆在晋。

(五十五)熏粥、狻狁、淳维、匈奴皆一族，与犬戎、鬼方、混夷皆由燕声递变。

(五十六《诗·六月》整居焦获，侵镐及方，镐为高都，方乃安邑，获则溇泽，为赤翟居地，即燕戎之东支。

七、文王篇

(五十七)文王母太任，妻太姒，皆出东国。生岐周，卒毕程，皆在东土。

(五十八《诗·皇矣》密人不恭，侵阮及共，密、阮、共皆在泾水下流，近丰镐。

(五十九)吕尚河内人，钓滋水遇文王，即霸水，在渭水下流，不在宝鸡。

(六十)武王伐纣，及庸、蜀、羌、髳、微、纁、彭、濮人，皆在周之东南，大河两岸，非西南僻远之蛮夷。

一、总说

一

言周初地理者，无弗谓后稷封邠在武功，公刘居豳在邠县，太王迁岐在岐山，皆在今陕西西部泾渭上流。至文王、武王乃始邑于毕、程、丰、镐。周人势力自西东渐，实始于此。此二千年来公认之说，未有疑其为不然者。然吾尝读书之《禹贡》诗·大雅》之《绵》公刘》诸

篇，及于梁、岐、漆、沮，周初地望，众说纷纭，莫衷一是，何其乱而难理也。又尝会之于《左氏》《纪年》《孟子》《史记》凡古籍之称及周初行迹者，众说綦淆，一贯之要难。积疑既久，而后知二千年公认之说，亦未见其固可据也。以今考之，周人盖起于冀州，在大河之东。后稷之封邠，公刘之居豳，皆今晋地。及太王避狄居岐山，始渡河而西，然亦在秦之东境，渭洛下流，自朝邑西至于富平。及于王季、文王，廓疆土而南下，则达毕、程、丰、镐，乃至于谷、洛而止。夫而后《禹贡》《大雅》《左氏》《纪年》《孟子》《史记》诸书，乃始可通。而周人行迹所经，及夏、商、周三代盛衰兴亡，华戎势力消长角逐之势，乃始可得而明也。其说虽创，其证则密，请得而申论之！

二

盖古人迁徙无常，一族之人，散而之四方，则每以其故居移而名其新邑，而其一族相传之故事，亦遂随其族人足迹所到，而递播以递远焉。此其例不遑枚举，姑举其著者，如舜：舜，冀州之人也。耕历山，渔雷泽，陶河滨，妻尧二女于妫汭，其事皆在今山西之蒲州。然今山东济南有历城，泺水出焉，俗谓之娥姜水，以泉源有舜妃娥英庙故也。城南对山，山上有舜祠，山下有大穴，谓之舜井，舜耕历山亦云在此，其山在县南五里，其凿凿如此。然而后人不之信者，以蒲州之传说并存弗替故也。使蒲州之迹早泯，而历城之说独著，则舜固可以为

魯人。其他类此者多矣。若夫西秦、豳、岐、漆、沮种种之说，亦涿源、娥姜水、历山、舜井之例也。而不幸冀州周初古迹，则年远荒晦，鲜有存者。即复有存，人亦莫之知。即复知之，亦复不敢信。而周起西裔之说，遂若无可置疑。然苟为之博稽古籍，条贯而通说之，将见二千年长湮之史实，终将复白于后世也。

二、姜氏篇

三

周人之先为后稷，后稷母曰姜嫄，今请先言姜！姜姓诸族，盖亦居晋。神农，姜氏之著也，而神农之帝亦在晋。何以言之？神农炎帝称烈山氏《左传》昭公二十九年，晋太史蔡墨之言曰：“有烈山氏之子曰柱，为稷，自夏以上祠之，周弃亦为稷，自商以来祠之。”《鲁语》记展禽之言亦云然。《礼·祭法》则曰：“厉山氏之有天下也，其子曰农，能殖百谷。”贾逵、郑玄皆云：“烈山，炎帝之号。”《左氏》《鲁语》谓其子柱。《祭法》曰农者，刘炫云：“盖柱是名，其官曰农，犹呼周弃为稷。”《一统志》：“厉乡在德安府随州北，今名厉山店。”酈道元《水经注》即以厉乡为烈山氏生处。今考古帝传说，皆在冀州，姜氏诸族，其后可考者，亦多在冀，而稼穡故事，亦始冀州，何以烈山氏生于随州之厉乡？盖晋地亦有随。《左传》隐公五年，翼侯奔随。《一统志》：“随城在汾州府介休县东，后为土会

食邑。”此晋地有随也。《山西通志》谓春秋初，晋地甚小，翼侯所奔，不能至介休，其说是否可勿论，要以见介休之有随。《后汉书·郡国志》介休有界山，有绵上聚子推庙。厉之与烈，界之与厉，皆以声转相通。《周官·山虞》“物为之厉”，郑注：“每物有蕃界也。”此以厉界声通互训。然则介休之界山，即厉山、烈山也。其地本在近晋之随城，后乃误而移之于德安之随，则犹厉山之自蒲而之历也。又考《日知录》卷三十一绵上条，称其山南跨灵石，东跨沁源，世以为之推所隐，而汉魏以来，传有焚山之事，太原、上党、西河、雁门之民，至寒食不敢举火，而顾氏颇不信子推隐其地。窃疑汉魏以来相传焚山之事，即自古烈山氏之遗说也。古之稼穡，其先在山坡，以避水潦，烈草木而火种曰蕃畲，故神农氏又称烈山氏。后既以烈山为厉山界山，乃误及于介之推，因以炎帝之“烈山”误传为介推之“焚山”也。《日知录》卷二十五介子推条，于燔山立枯事亦有辨。此姜姓炎帝烈山氏，其传说故事始于晋之说也。

四

神农之后有帝榆罔，其居亦在晋。《左传》昭公八年：“石言于晋魏榆。”杜注：“晋魏邑之榆地。”《地理志》榆次、界休同属太原。吴卓信《补注》引《汲冢周书》云：“昔烈山氏帝榆罔之后，其国为榆州。曲沃灭榆州，其社存焉，谓之榆社。地次相接者，为榆次。”其地有梗阳乡，魏戍邑，汾水所径。窃疑梗阳者，亦姜字之音变也。

五

神农氏之后，姜氏之著者有四岳。旧说伯夷称太岳，为八伯之长，而伯夷即古所传许由也。此宋氏翔凤已言之。宋氏之说曰《春秋左氏》隐十一年，夫许太岳之允也。申、吕、齐、许同祖，故吕侯训刑称伯夷禹稷为三后，知太岳定是伯夷也《墨子·所染篇》吕氏春秋·当让篇》并云舜染于许由伯阳，由与夷，夷与阳，并声之转《尚书大传》之阳伯《墨吕》之许由伯阳，与书之伯夷，正是一人。伯夷封许，故曰许由《史记》尧让天下于许由，本《庄子》正傅会咨四岳巽朕位之语。百家之言，自有所出《周语》太子晋称共之从孙四岳佐禹。又云胙四岳国，命为侯伯，赐姓曰姜，氏曰有吕《史记·齐太公世家》云，吕尚其先祖尝为四岳，佐禹平水土，虞夏之际封于吕，姓姜氏。此云四岳皆指伯夷。盖伯夷称太岳，遂号为四岳，其实四岳非止伯一人也《过庭录》余考《大戴·少间》之篇：“文王伐崇、许、魏。”崇在陕西，而魏则河内晋境。许魏连称，其在冀州晋地可知。尧让天下于许由，许由不受，避之箕山，太史公曰：“余登箕山，其上盖有许由冢。”盖箕山亦晋山也《左传》僖公三十三年：“狄伐晋及箕。”成公十三年，吕相绝秦曰“入我河县，焚我箕、郟”则箕乃晋河上之邑^{据《日知录》卷三十一箕字条}《方輿纪要》箕山在解州平陆县东北九十里《县志》山有许由冢，是矣。其后许封河南，箕山遂亦南迁，及于颍阳，非其本也。